



सानसेयारि बड'सा

सानसेयारि "बड'सा" खरीर्लाइयाव
समाजयारि जिउजो लोब्बा थानाय रायथाय, खान्थाय,
सल', सल'बाथा आरो दावबायारि थावनि, पार्क
बाइदिनि सायाव लिबनाय लिबिर्बा दैथाय ठर/
सानसेयारि "बड'सा" खरीर्लाइया खेबखानावै
फोखावगोन।

बड'सायाव लिबठरनायनि दुबा खालाम,
"बड'सा" खरी नोथा, जों बयबो आंगो खालाम।

सानसेयारि बड'सा मावखुलि

माइब नोगोर, जोहोलाव देमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Sunday ★ 1 June, 2025 Kokrajhar, BTC, Assam ★ Vol.-35, Issue No.67 ★ R.N.I.Regd.No. 40994/91, Assam Govt. Regd.No.IPRD. 40/2006/3, Rs.8/-



आसाम सरकार

जाग्रा आदार, सुबुं जगायग्रा आरो कन्जुमार अन्साइ बिफान

जर'खा अन्न सेवा सान

1-20 जुन, 2025

एनएफएसए मुलाम्फागिरिफोरनि आदार रैखाथिखौ रोखा खालामनो
थाखाय पिएमजिकेवाइनि गेजेरजों मोनसे जर'खा जागायनाय

खेबसेयावनो 3 दाननि थाखाय बेसेन नाडै माइरं

जुन, जुलाइ, आगस्ट 2025



मोनफ्रोमबो एएवाइ नख'रफोरनि थाखाय
35 केजि/दानफायाव बेसेन नाडै माइरं

गासै- 105 केजि

पिएइसएइस नख'रफोरनि साफ्रोमबो सोद्रोमाफोरनि
थाखाय 5 केजि/दानफायाव बेसेन नाडै माइरं

गासै- 15 केजि

जुन आरो जुलाइ, 2025 नि थाखाय



गासै मुलाम्फागिरिफोर
2,45,00,674



गासै नख'रफोर
70,35,509

आगस्ट, 2025 नि थाखाय



गासै मुलाम्फागिरिफोर
2,44,98,252



गासै नख'फोर
70,35,051

मुलाम्फागिरिफोरनिसिम



इ-पिएएस डिभाइसनि गेजेरजों आलादायै थामथि खेबनि
थाखाय रोखा सिनायथि



मोनफ्रोमबो दाननि थाखाय अन्लाइन ट्रेन्जेक्सनखौ इ-पिएएस
डिभाइसनिफ्राय आलादायै रिसिप्ट आजाव



बेसेन नाडै माइरंनि विबांखौ इ-पिएएस डिभाइसनि गेजेरजोंल'
आजाव



जुदि सोरबा मुलाम्फागिरिफोरा बेसेन नाडै माइरंखौ आजावखैला

फोनांजाव खालाम 1800-345-3611 | 1967
(टल फ्रि) फुंबिलि 9 रिगानिफ्राय मोनाबिलि 6 रिगानि गेजेराव

गला बिगोमाफोरनि मावनो गोनां



मोनो हाथाव नख'रफोरनो खेबसेयैनो 3 दाननि थाखाय बेसेन नाडै
माइरं जगायनाय



गुवार फोसावथाइनि गेजेरजों अन्न सेवा साननि सोमोन्दै
मुलाम्फागिरिफोरनो फोरमाइथारनांगोन



अन्न सेवा साननि समाव जेब्लायबो गलाफोरखौ खुलायै लाखि



अन्न सेवा साननि समाव सायख'जानाय मुलाम्फागिरिफोरनो आबुडै
जगायथाय हो



मुलाम्फागिरिफोरा आजावनाय माइरंनि इ-पिएएस मेसिननि रिसिप्टखौ
दिन्थि

सुजुगिरिनि खोलोम

दनाय लुनायनि फार्से बर’

आइजोफोरा सांग्रांथि लाखिनांगौ

बुंस हाये समनिफ्रायनो गामिआव राइजो जाग्रा सुबुंफ्रा दानाय लुनायखौ गोनां अरिमु महरै गोबाना लाबोदों। बर’ माहारिनि गेजेराव बाश्रा फंसे दइ; ‘जाय हिन्जावा दानाय लुनायाव आखाय गैया बे हिन्जावा सिख्लाखौ रावबो हाबा खालामा’। बाश्राया नंखाय नइ। गामिआव नखरफ्रोमबो साल-गान्दैजों समायनाय इसानसाली थानायमोन। मेसें बोथोर सौंफैनाय लोगो लोगो नखर नखर सि सौनाय, नो-खनाय, बिनि उनाव गान्दैआव खुन्दुंखौ फान्ना सालाव दानाय। गामिआ हाबहैब्लानो नखर नखर खालथां, खालथां, माखु गाबनाय सोदोब खोनानो मोननायमोन। आथिखालाव नाथाय गामिफ्राव हाबहैब्ला थाखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हमखो, बेखौबो गोथौयै साननो गोनां जाबाय। गोदोफोर खुन्दुंखौ गाव गावनो बाइदि रोखोम मुवाजों गोसो, गोथां गोजा, गोसो दाउदै बाइदि रोखोम मुवाजों गोमो, गोथां, गोजा, गोसो दाउदै बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोमनि गावनि खुन्दु बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफांनि बागान खालामना एमफौ फिनानै फिथोबनिफ्राय इन्दि, खुन्दु दिहुनना इन्दि सि दानायमोन। नखराव जोमनो दोनगनैबो गुबुनोबो फानहरोमोन। इन्दिसिनि बेसेनआ गोदोनिखुइ आथिखालाव गोबां ज’सिनबाय। गोबां रोखोमनि इन्दिसि दाना दिहुन्नो हाब्ला बेनिफ्रायबो गोबां रां मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो ज’गार खालामनो हायो। आथिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, काश्मौरि साल बाइदि बाइदि सि फोरखौसो बायना जोमसै।

सिनि फालांगि खालामनो माखासे आइजोफ्रा दाउगाबोनायखौ नुनो मोनदों। आइजोफोरनि दानाय लुनायनि आफादफोर दाना लानायखौ नुनो मोनदोंसै। बे रोखोमनि उइभिं सेन्टराव दखना जोमग्रा बाइदि बाइदि सि दाना हाथाय बाजाराव फामनोबो लाबाय। गामिनि सिख्लाफ्रानो बे उइभिं सेन्टराव जानो आन्थाल रां लामा दानाय लुनाय हाबाखौ मावनो हमबाय। नाथाय बेजों उइभिंनि सोद्रोमाफ्रा बेसे बां मुलाम्फा दैखानो हादों बेबो मोनसे साननो गोनां। नुनो मोननाय बादिथैब्ला उइभिंनिफ्राय दिहुनजानाय सि-जोमखौ फाननायनि थाखाय नांगौमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थांना थानांगौआ गोब्राब। हादोरनि बायराआवबो बे रोखोमनि हाथाय थानांगोन।

जेरैखि जाया, माहारिनि हारिमु आरो आरिमुखौ फोथांना लाखिनायनि लामाखौ लानांगोन। बि.टि.सि. हालामनि बर’ आइजोफ्रा गोदो गोदायनिफ्राय सोलिबोनाय दानाय लुनायनि आखुखौ फोथांना लाखिनांगोन। बिटिसिनि दैदेनगिरिफ्राबो गामिफोरनि आइजोफोरखौ थुलुंगा खाथिना जाग्रा सुबुंफोरनो गानग्रा दखना गांसेनि खुन्दुं खिनिखौ जगायना सोरकारा हानो हालांगोन। आथिखालनि गामिफोरनि सुबुंफोरनि हाल-साला गाहाम नँलिया। जानाय लौनायखौनो जगायनो हायाब्ला गाननाय जोमनायखौ माब्रै जगायनो हानो ? जेरैखि जाया थांनानै थानायनि राहाखौ बिटिसिनि दैदेनगिरिफ्रा गामिनि सुबुंफोरनो होनांगोन। बनि लोगो लोगो माहारिनि हारिमु आरो आरिमुखौबो हारिमु गैजायै माहारिआ थांना थाब्लाबो गोथै बादिसो।

दिनैनि फान्जामुधि

राशि बाइदियै मुंनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेघ: जेखि जाया शुभ खामानि मावनानै लानो हागोन। सान्नायफोरा जाफुंगोन। गोथार सान।

वृष: माखौंबा लानानै गोसोआव गिखांनाय मोन्नो हागौ। गोसोखौ लोरबां लानो नाइ।

मिथुन: बे राशिनि थाखाय शुभ दिन। मोजां खामानि मावनो हागोन। गोजोन मोनगोन।

कर्कट: सरकारनि साखि मावनायाव गोजोन्नायखौ मोन्नो हागोन। मोजां सान।

सिंह: माबा मोनसे मुवा-बेसाद खहा जानो हागौ। गोसोखौ गोजोन मोनगोन। मोजां सान।

कन्या: बेफार फालांगि मावनायाव मुलाम्फा मोन्नो हागोन। फालांगिरि मावग्रानि थाखाय गाहाम सान।

तुला: मोजां मोनलायनायनि दौलेंआ गोरा जागोन। अनलायनाया थाबाय थागोन।

वृश्चिक: मानिबा थाखाय जिंगा सिनानो हागौ। गोसोखौ शान्ति गैयै मोनगोन। गोसोखौ हमथा।

धनु: जेखि खामानिखौनो मावा गोसोखौ शान्ति गैयै मोनगोन। गोसो हमथानानै सोलिनांगोन।

मकर: नख र’आव मानिबा जेंना नुजानो हागौ। गोसोखौ शान्ति गैयै मोनगोन।

कुम्भ: जेरैबो गोहो-बोलोखौ मोन्नो हागोन। फारफ्रोमथिबो मोजां।

मीन: मानिबाफोर जेंना दइबा सुसांजानायखौ मोन्नो हागोन। गोजोन मोनगोन। मोजां सान।

गोबां अखा हानायनि जाउनाव मिज 'रामआव गाज्रि थासारि

आइजल, 31 मे: मिज 'रामआव अखा'नि जाहोनाव जानाय माखासे जाथायफोराव थांनाय शुक्रबार हर'आव थाद 'नाय गैयै गोबां अखा हानायनि जाहोनायनि जाहोनाव माखासे न'फोरा बायग्रबो, जेराव सा 5 म्यान्मारनि नोगोरा'रिफोरा आथिखालाव गोमानानै दइ'आरो गोदान रिपर्ट'आव गोमानाय म्यान्मार नोगोर'रिफोर'नि गेजेराव सासेखौ रैखा खालामबाय होन्ना बुडे। खज्वाल जिल्लानि निउ चालरं गामियाव मोनसे हा गिसिखानाय जाथायाव गंसे न'आ बायग्रबो। बे जाथायाव रावनिबो जिउ गोमायाखै। गोब्राबसिन जाथाया खोला लनातलाइ ओन्सोलाव जायो, जेराव मोनब्रै रैखाथि- गंनै बानायगोदान आर'सिनि भवन आरो गंनै आसाम टाइपिनि न'आ लान्थियै अखा हानायनि गोहोमाव बायग्रबो। गोहोम गोल्लैनाय बिल्डिंफोरनि गेजेराव मोनसे, जायनि बिगोमाया सासे आइजो ह्लुपुइमोन। बेखौ गंसे



हटेल महरै सालायगासिनो दइमोन। बिल्डिं बायग्रबनाय समाव हटेलआव सा 21 आलासिफोर दइमोन। लाइमोन लइ संचनि रांखान्थि नेहाथारि इडन लालरमावियानि बायदिब्ला, सा 15 आलासि आरो बिगोमाया खारग 'नो हायो आरो सासे आलासिखौ रैखा खालामनो हायो। आथिखालाव सा 5 आलासि, जायफोरखौ म्यान्मारनि रेखिने जिल्लानि नोगोरा'रि महरै फोरमायनाय जादों, बिसोर गोमानानै दइ। बेराफार्से, रैखा खालामनाय हाबाफारियाबो सोलिगासिनो दइ, जेराव जायगानि बिबानगिरि आरो

गुवाहाटीआव गोबां अखा हानायनि जाहोनाव हा गिसिखादों, सा 6 सुबुंनि जिउ खहा

गुवाहाटी, 31 मे: 30 मेखालि गोबां अखा हानायनि जाहोनाव हा गिसिखानायाव खमैबो सा 6 सुबुंनि जिउ गोमादों। राइज्यो'आव रेड एलार्ट फोसावदों, मानोना बिबानगिरिफोर जेंनाजों मोगा-मोगि जानो थाखाय गोख्रोडै नाजागासिनो दइ। थैनाय सुबुंफोरनि गेजेराव सासे बिमा आरो फिसाजोनि जरायाबो दंफायो, जायखौ पुनम गस्वामी आरो निलाकशि गस्वामी मुडै सिनायथिनाय जादों। मोनसे आलादा जाथायाव 5 बोसोर बैसोनि रन्जित बर'आबो ओन्सोलाव हा गिसिखानायनि जाहोनाव जोखोम जानायनि उनाव जिउ गोमादों। दातलपरा'निफ्राय आरोबाव सासे सुबुंनि जिउ गोमानाय खौरांखौ मोन्नाय जादों, जेराव हा गिसिखानाया बिसोरनि न'खौ



खहा खालामदों आरो बेयाव दिपज्यति बर'आ जिउ गोमायो। बे दै बानाया सहरनि माखासे बाहागोफोराव सिलिंखार खालामदों, जेराव कामाख्या, खारगुलि, गरचुक, चन्द्रपुर, बन्डा आरो नुनमातिआबो दंफायो। बे मोनफ्रोम जायगाया मख'जाथाव हा गिसिखानाय आरो गिख्रंथाव खहा जानायजों मोगा-मोगि जानांदों। इमार्जेन्सि टिमफोर आरो अलखद सामलायग्रा मावसुमाफोरखौ रैखाथि खामानिफोरनि थाखाय

थिसननाय जादों। बिबानगिरिफोर खैफोद गोनां ओन्सोल्फोरव थाग्रा थागिबिफोरखौ थाबै नो ओंखारलानो थाखाय खावलायदों। लोगोसे स्कुलफोरखौ बन्द' खालामनाय जादों गोहोम गोल्लैनाय ओन्सोल्फोरव हान्था-मेला खालामनायखौ होबथानाय जादों। एएसडिएएम'आ ओन्सोलनि थाखाय रेड एलार्ट फोसावदों, जेराव फैनो गोनां सानफोराव आरोबाव गोबां हा गिसिखानाय आरो हरखाबै दै बाना जागोनखौ मिबथि होनाय जादों।

पाकिस्तानआ भारतनि खान्थियाव गंग्लायनाय नइ: आसिम मुनीर



गोदान दिल्ली, 31 मे:

भारतजों जेन्नायनि उनाव पाकिस्तानआ बिग्रायखाडे। पाकिस्तान आर्मी चीफ सैयद आसिम मुनीरआ फिन खेबसेबाव सिन्धु दै रदायखौ होबथानायनि उनाव भारतनो सोलौंथाइ होनो नाजायो। पाकिस्तान खौरां लाइ डनआ पाकिस्तान सान्थिनि मिडिया विं इन्टार सार्भिसेज पाब्लिक रिलेशन्सनि गथायनाय खौरांजों फोरमायोदि, मुनीरआ पाकिस्तानआ माब्लाबाबो हिन्दुस्ताननि खाथियाव

गंग्लायनाय नइ होन्ना बुडे। पाकिस्तान आर्मी चीफ जेनेरेल आसिम मुनीरआ बुडेदि, बे दैआ पाकिस्ताननि रेड लाइन आरो जों 24 कौटि पाकिस्तानआ गावसोरनि गुदि बिथा मोन्थाइजों जेबो रदाय खानाय नइ। भारत आरो पाकिस्ताननि गेजेरजों दावहानि गेजेरजों पाकिस्तानाव बलुच बिग्रायारिफोराबो सरकारनि सायाव नारसिन्नो जागायदोंमोन। बे समाव पाकिस्तानआ गावसोरनि न'आवनो बिग्रायारिफोरजों

जुजिनांदोंमोन। बलुच बिग्रायारिफोरखौ लानानै मुनीरआ बुडेदि, बिसोर भारतनि इसरायाव प्रक्सी बायदि खामानि मावयो। बचुचिस्तानआव एक्विथ टेर'रिस्टआ भारतनि प्रक्सी। बिसोर बलुच नइ आरो बिसोरहा बलुचिस्तानजोंबो जेबो सोमोन्दो गैया। 1947 आव जेब्ला ब्रिटिसआ भारतखौ भारत आरो पाकिस्तानाव बोखावयो, अब्ला सिन्धु दैमा नेम-खान्थिया दावहानि आयदा जायो। 1948 आव भारतआ माखासे समनि थाखाय पाकिस्ताननो दै हरनायखौ बन्द' खालामदोंमोन। बेनि उनाव पाकिस्तानआ इउएननो भारतआ थोजासे दै हराखै होन्ना अजद दैखाडे। बेनि गेजेरजों 1960 आव बै समनि भारतनि गाहाइ मन्थि नेहरु आरो पाकिस्ताननि हादतगिरि अयुब खानआ जोबधारनायाव बे रदायनि सायाव मुंसायो।

बोथोर बिफानआ हादतनि माखासे राइज्योफोरनि थाखाय रेड एलार्ट फोसावदों



गोदान दिल्ली, 31 मे: बे खेबाव मौसुमि बोथोरा समनि सिगां फैनायनि जाहोनाव केरेला कर्नाटकजों लोगोसे महाराष्ट्र आरो आसामावबो गोबां गाज्रि थासारि जादों, सुबुं माहारिया'रि जिउ खुंनाया थेर-बेथेर जादों। बेनिखायनो बोथोर बिफानआ माखासे राइज्योफोरनि थाखाय रेड एलार्ट फोसावदों। बोथोर बिफाननि बायदिब्ला दिल्लीयाव फैगौ माखासे समसिम अखांआव जोमै साग्लोबना थानो हागौ। शुक्रबारखालि मोनाबिलि समाव गोबां बारहुंखा आरो इसे अखा हानो हागौ। आसामनि बांसिन ओन्सोल्फोराव गोबां अखा

हागोननि थाखाय 'रेट एलार्ट' फोसावदों। गिबि मन्थि सहमन्त बिश्व शर्माआ शुक्रबारखालि बुडेदि, सरकारआ जायखि जाया जेंनाजों मोगा-मोगि जानो थाखाय थियारि। अरुणाचल प्रदेश आरो मेघालयआवबो गोबां अखा हागासिनो दं, जायजों

आसामनि थासारिया आरोबाव गाज्रिसिन जादों। गुवाहाटीयाव बृहस्पतिबार मोनानिफ्राय गोबां अखा हागासिनो दं। सहरनि गासै ओन्सोलाव दै लोमसावजोबदों। राइज्योआव 9 लाख सुबुंफोरनि मोब्लिब कानेक्सनखौ हास'नाय जादों। ओन्सोलारि बोथोर बिगियान मिरुनि अजिमाफोरनि बायदिब्ला राइज्योनि माखासे जिल्लाफोराव रेड एलार्ट फोसावनाय जादों। केरेलानि मोन 14 जिल्लाफोराव शुक्रबारखालि गोबां अखा हानायनि जाहोनाव आलादा-आलादा जाथायफोराव सा 5 सुबुंफोरनि जिउ गोमादों। मलप्पुरमनिफ्राय सानै सुबुंफोरनि गोमानायनि खौरां ओन्नाय जादों। गासै राइज्योआव 2 रोजा नख 'रा ख'हा जादों। बोथोर बिफानआ माखासे जिल्लाफोराव रेड एलार्ट फोसावदों। मोन 60 रेहाय बादायाव गासै 2 रोजा सुबुंफोराखौ थाहोनाय जादों।

रैखाथि हान्जाफोरा मणिपुरनि हाजोआव दोनखुमानाय हाथियारफोरखौ बोखांनो हादों



मणिपुर, 31 मे: भारतनि रैखाथि हान्जाफोरा शुक्रबारखालि राइज्यो पुलिसनि हेफाजाबजों गावसिनि गोथौ सिप्रोमनाय हाबाफारिनि समाव मणिपुरनि चुराचान्दपुर जिल्लानि हाग्रा बारिनिफ्राय हाथियार, गुलि-बारुद आरो बेरफुग्रा बेसादिनि

बाखिखौ बोखांनो हादों। चुराचान्दपुर जिल्लानि चुराचान्दपुर पुलिस थानानि सिडाव थानाय एइच कटलियननि खाथि डाम्पि हिल हाग्रा ओन्सोलाव अपारेशन खालामनाय समाव जुथाइ हान्जाया गंधाम 12 बर

मणिपुरआव भारतआरि सान्थिआ म्यान्मार सिमनानि खाथियाव सा 5 उतखारिफोरखौ हमदों

इम्फल, 31 मे: भारतआरि सान्थिआ मणिपुरनि तेंनौपाल जिल्लायाव भारत-म्यान्मार सिमनायाव अपारेशन गेंपिजांनि समाव सासे बैसो जायै उन्दैजों लोगोसे मोन्नै बिग्रायारि आफादफोरनि सा 5 सोद्रोमाफोरखौ ग्रेप्टर खालामो होन्ना बिबानगिरिफोरा फोरमायो। सान्थिनि मावसुमाफोरा मरेह उफ्रा बिफानआव सिमना स्तंभ 74 नि खाथियाव बै सुबुंफोरखौ ग्रेप्टर खालामो, जेब्ला बिथाड मणिपुरनिफ्राय म्यान्मारनि हारिमाया'रि सिमना बारनो नाजायो। फोथायजाथाव संगालि खौरांनि सायाव बिथा खालामनानै रैखाथि हान्जाफोरा गंपिजां गामिनि खाथियाव अपारेशन जागायो आरो होबथाजानाय पिपुल्स लिबरेशन



आर्म् (पिएलए) नि सा 3 केडरफोर आरो आइनिन हेंथायै गसंनाय कॉलेइपक कमिउनिस्ट पार्टि (केसिपि) नि सानै सोद्रोमाफोरखौ ग्रेप्टर खालामो। बिबानगिरिफोरा ग्रेप्टर खालामजानाय पिएलएनि सोद्रोमाफोरखौ काकविं जिल्लानि नेग्राम जितेन (20), पल्लेल थवंगमा, अरेबम मलेमगबा (32), निउ चेकन, सान्जा इम्फल जिल्ला आरो सनमाम हेंथाइबा सिंह (18), वांगु पार्कि, सिस्नुपुर जिल्लानि

महरै सिनायथि होयो। बेराफार्से, कसिपिनि सोद्रोमा लेइंटंथेम रिक्न्दा मितइ (24), हुइद्रम आवाम लेइकाइ, सान्जा इम्फल जिल्लानिफ्राय आरो मइबम भिशाल मितइ (26), माइसंपक्पी आवां लेइकाइ, सान्जा इम्फल जिल्लानिफ्राय ग्रेप्टर खालामो। बे अपारेसननि समाव सान्थिफोरा सन्देह खालामथावफोरनिफ्राय गंसे मबाइल फन आरो माखासे दायनि फोरमानफोरबो जब्द' खालामदों।

हादतगिरि डनाल्ड ट्राम्पआ दावहा दोन्थ'नाय गनायथि होनायनि उनाव गासै खौरांखौ हादतनो मिबथि होगोन

गोदान दिल्ली, 31 मे: इजराइल आरो हामासनि गजेराव गाजायाव सोलिनाय दावहाखौ लानानै बृहस्पतिबारखालि बै समाव मोनसे गिदिर खौरां फैदोंमोन, जेब्ला मोन्नै हादतनि गेजेराव दावहा दोन्थ'नायनि सायाव गनायथि होलायनाय जादोंमोन। मिबथि होनाय जादोंदि, इजराइलनि गाहाइ मन्थि बेन्जामिन नेतन्याहुआ मिडिल इस्टआव आमेरिकानि थान्दै रिस्थ विटकफनि गोजोन

थांखिखौ गनायनायनि जोबोद खाथियाव दसै। निउज एर्जेन्सि अरेविया आरो अल हादतनि फारसेनिफ्राय मिबथि होनाय जादोंदि, जुदि दावहा दोन्थ'नाय जायो अब्ला फैगौ 60 साननि जागोन। दावहा दोन्थ'नायनि सायाव गनायथि होनायनि उनाव हादतगिरि डनाल्ड ट्राम्पआ थाबैनो बेनि सोमोन्दै गासैबो खौरांखौ हादतनो मिबथि होगोन। निउज एर्जेन्सि राइटर्सनि फारसेनिफ्राय मिबथि होनाय



जादोंदि, गाहाइ मन्थि नेतन्याहुआ गाजायाव बन्दि बानायनाय सुबुंफोरनि नख'रनो मिबथिहोनाय जायोदि, इजराइलआ आमेरिका

हादतगिरि डनाल्ड ट्राम्पनि फारसेनिफ्राय थिसननाय थान्दै रिस्थ विटकफनि फारसेनिफ्राय फोसावनाय गोदान दावहा

दोन्थ'नाय थांखिफोरनि सायाव सावरायगासिनो दं। फिलिस्टिनि उतखारि हान्जाया हामासआ गिबियाव बुंदोंमोनिदि, बिसोरो मिडिल इस्टनिफ्राय गोदान थांखि मोन्दों आरो बिसोरो बेखौ नायबिखि गासिनो दं। बेनि सिगां स्तिभ विटकफआ बुंदोंमोनिदि, हामासजों लोगोसे दावहाखौ फोजोबनायनि आसायाव गोदान गोजोन थांखिनि शर्तखौ बुधबारखालिनो इजराइलनो हरनाय जागोन।

उदालगुरियाव जिल्ला बेंगिरिनि मेल जथुमसालियाव निसा उदां बिथांखि आफादआ सांग्रांथियारि मेल खुंदों

उदालगुरि, 31 मे: उदालगुरि जिल्लानि जिल्ला बेंगिरि मेल जथुमसालियाव जिल्ला बिथायाव निसा उदां बिथांखि आफादनि मोनसे मेल खुंनय जादों। जिल्ला बेंगिरि पुलक पातगिरिनि आफादगिरि मासि सामलायनायाव खुंजानाय बे गोनांथार मेलआव निसा उदां भारत बिथांखिनि सिडव फैगौ हारिमायारि ड्रग्स सोबनाय आरो आयेन बेरेखा फालांगि खालामनायनि बेरेखा सान फालिनो थाखाय साखा-फारा जादों। बेखौ लोब्बा लानानै आफादनि साफ्रोमबो बिबानगिरि आरो सोद्रोमाफोरजों लोगोसे सावरायलायनाय बादियै 1 जुनिक्राय दिमाकुसियाव लामानि फावथिना दिन्थिनायनि गेजेरजों बे बिथांखिखौ गोथारै बेखेवनो थाखाय थांखि आजावनाय जायो। बेनि उनावनो दानसेनाडै जिल्लानि



गुबुन-गुबुन जायगायाव यगा आरो फिटनेस बाद, पस्टर आरो स्ल'गान लिरनाय बादायलायनाय, सिगनेसार हाबाफारि, सांग्रांथियारि मेल बायदिजों लोगोसे ससियेल मेडिया प्लेटफर्मआव निसा उदां आयदानि सायाव सुंद' भिडिअ' बानायनायनि बादायलायनाय खुंनयनि थांखि लानाय जायो। मानोना

बे बिथांखिआ फारफ्रोमथिंबो आरो गासैबो थाखोनि गथ'सा, फरायसा, सेंग्रा-सिख्ला आरो हौवा-हिन्जावसाफोरनि गेजेराव फोसावदिंजायो। गुबुन फारसे फरायसालिफोरनि नायसंगिरि भबेन देउरीआ फैगौ 21 जुननि

हारिमायारि यगा सानआव गासैबो सोलोंथाइ फसंथानआवनो खुंनयनि थाखाय बिथोन होयो। लोगोसेनो जिल्ला बेंगिरि पुलक पातगिरिआ जिल्ला देहा (□ 6 बिलाइआव)

फरायनायजों लोगोसे हाबा आरिमुखौ साफ्रोम फरायसाया सोलोंनांगौनि गोनांथि दं: बड'सा ब्रह्म

सिमेन सापरि, 31 मे: दिनै धेमाजि जिल्ला एबसुनि बान्जायनायाव जिल्लानि सिडव थानाय गुबुन-गुबुन बर' बिजोंनि फरायसालियाव फरायनानै मेट्रिक आनजाद आरो गोजौसिन गेजेरारि आनजादाव सेथि मासि आवग्रिनो हानाय बर' फरायसाफोरखौ थुलुंगानायजों मान बाउनाय हाबाफारिखौ सानजारि नोगोर सिमेन सापरिनि सतीश बसुमतारी गोजौसिन गेजेरारि फरायसालिनि नब्बोखव सानसेनि मेहेरगोनां हाबाफारिजों खुंफुंनय जायो। बे मेहेरगोनां हाबाफारिखौ बेखेवना होयो धेमाजि जिल्ला एबसुनि बारग'सुबु फोनांजाव नेहाथारि मानगोनां मुस्लि दिपांकर नाजॉरि बिथाड। धेमाजि जिल्ला एबसुनि



आफादगिरि मानगोनां मुस्लि हिरिन्य स्वरगियारिनि मासि लानानै सामलायनाय हाबाफारियाव गाहाइ आलासि महरै बाहागो लायो मिरु दुलाराय बर' फरायसा आफादनि नेहाथारि मानगोनां मुस्लि बड'सा ब्रह्म बिथाड। हाबाफारियाव बाहागो लानानै गाहाइ आलासि बिथाड साफ्रोम फरायसाफोरखौ थुलुंगाखानाय बिबुंथिजों गेरेमसा बर' माहारि दानायाव साफ्रोम फरायसाफोरानो बाहागो लाफाथारनांगौ आरो गावनि

मुसलपुराव ए.पि.एस.सि. जथाय बादायलायनाय (जागायजेनाय) आन्जाद- 2024 नि सिगां नायफाम फिननाय जथुम खुंदों

मुसलपुर, 31 मे: फैबाय थानाय एपिएएससि कम्बाइन कम्पेटिटिभ (जागायजेनाय) आन्जाद- 2024 जों लोब्बा लाखिनानै दिनै बाक्स जिल्लानि मुसलपुराव थानाय जिल्ला बेंगिरिनि मावख'आव रिभिड मेल खुंनय जायो। ए.पि.एस.सि. आनजादा 8 जुन रबिबरखालि रायजोनि गुबुन जायगाफोरजों लोगोसे बाक्स जिल्लानि मुसलपुर जौसिन गेजेर फरायसालियावबो जागोन। बे मेलाव आसाम पाब्लिक सार्विस कमिसननि मानगोनां मासिगिरि श्री देवराज उपाध्यायआ दैदेनदोंमोन आरो बेवहाय जिल्ला कमिसनार



गौतम दास, पुलिस सामलायगिरि उज्ज्वल प्रतिम बरुवा, लोगो कमिसनार जितुराज गै आरो जिल्ला खुंथाइ आरो पुलिस बिफाननि गुबुन गोजौ थाखोनि मावख'गिरिफोरा बाहागो लादोंमोन।

सावरायनायनि समाव, आन्जादनि समफारि, लजिस्टिक राहाफोर आरो रैखाथि राहाफोरनि सायाव गुवारै सावरायनाय जादोंमोन। बाक्स जिल्लानिक्राय गासै सा 346 बिनायसाफोरा आन्जादाव जिरायगोन।

जिल्ला बेंगिरि गौतम दासआ मिथि होयोदि ए.पि.एस.सि.नि बिथोन बायदियै आन्जादखौ गेबें, रैखाथि गोनां आरो रोखा रोखायै खुंफुंनो थाखाय गासैबो राहा लानाय जादों। बिबानगिरिफोरखौ आन्जाद मिरुआव मबाइल फन आरो फालिनो खावलायदोंमोन।□

गुबुन गासैबो रोखोमनि इलेक्ट्रिक आयजेंफोरनि हाबनायखौ आबुडै होबथानो बिथोन होनाय जादों। बिनायसाफोरा खालि गोथां एबा गोसोम बलपइन्ट रेबगनखौल' बाहायनांगोन। आसाम पाब्लिक सार्विस कमिसननि मानगोनां मासिगिरिआ आन्जादनि गासै बिखाथिथाव गोजौसिन खाथि आरो रोखाथि लाखिनायाव गोसो होदोंमोन आरो गासै मावख'गिरिफोर आरो मावफारियाफोरखौ नेम आरो खाथिफोरखौ गोखोडै

भबानिपुरनि माहारियारि राजा

लामायाव गिखंथाव जाब्रबथाइआव सासे सुबुंनि जिउ खहा



भबानिपुर, 31 मे: भबानिपुरआव 27 नं माहारियारि राजा लामायाव दिनै मोनसे गिखंथाव लामानि जाब्रबथाइ सोमजिनायाव उकिल हाबा मावनाय सासे सुबुड अब'थिरायै जिउ गोमानाय जाथाइआ दुखुनि थासारि सोमजिहोदों। लामानि जाब्रबथाइआव जिउ गोमानाय उकिलखौ भबानिपुरनि साखाथि सान्जा लुवासुर गामिनि थागिरि नाजमा इयासमिन (28) होन्ना सिनायथिनाय जादों। मखनो गोनांदि, दिनै साननि 5:00 रिंगासोआव भबानिपुर आन्सलिक फरायसालिमानि लांगोना फुलरस्टल चकआव 27 नं माहारियारि राजा लामानि डायभारसमआव जाब्रबथाइआ सोमजिदों। बजाली बिजिरसालिनि उकिल नाजमा इयासमिनआ गावनि हाबा मावनाय बिजिरसालियाव खामानि मावना एबा माव बिबानखौ मावफुंनानै बासजों बिजिरसालिनिक्राय फैनानै भबानिपुर आन्सलिक फरायसालिमानि साखाथि फुलरस्टल चकआव साननि 5:00 रिंगासोआव बासनिफ्राय ओंखारनानै ब्रै लाइन गोनां माहारियारि राजा लामाखौ बारसनो थाखाय डारभारसम मिरुआव गसंथानानै दंमोन। बे समावनो सान्जा फारसेनिक्राय सोनाब फारसे जोबोद गोखेंथिजों फैबाय थानाय एबा गुवाहाटीनिक्राय धुबुरी फारसे जोबोद गोखेंथिजों फैनाय एएस 17 के 8263 नाम्बार्नि एक्स भेनु कार गारिआ सामलायनो हायै जानानै डायभारसम मिरुआव लामा बारस'नो थाखाय थाद'नाय अकिल नाजमा इयासमिनखौ जोबोद गोखोडै सौग्रावहोयो। गारिनि सौग्रावहोनायाव अकिल नाजमाआ जाब्रबथाइजों मोगा मोगि जानायनि उनावनो सोनाब फारसेनिक्राय सान्जा फासे थांबाय थानाय बिपि 2 ए 9951 नाम्बार्नि डाम्फारजोंबो सौग्रावनानै जाथाइसालियावनो जिउ गोमायो। सान्जा लुवासु गामिनिनि थागिबि उकिल आइमनुल हकनि बिसि उकिल नाजमा इयासमिनआ जाब्रबथाइआव अब'थिरायै जिउ गोमानायाव गेदेर भबानिपुर ओन्सोलआव दुखुनि साया साग्लोबदों।□

गरेस्वराव बिटिआर सरकारनि रां बावजाजों लुफुंजानाय मुंख्लं सुजित नार्जॉरि नब्बोखौ फैगौ 4 जुन खालार खालि बेखेवगोन

गरेस्वर, 31 मे: तामुलपुर जिल्लानि बेन्दोंआव थानाय गरेस्वर नोगोरनि गरेस्वर गुदि बर' थुनलाइ आफादनि मावखुलिनि सेराव लुफुंनय बिटिआर सरकारनि रां बावजाजों लुफुंजानाय मुंख्लं सुजित नार्जॉरि नब्बोखौ फैगौ 4 जुन खालार (□ 6 बिलाइआव)



कक्राझार, 31 मे: देगलाइन मेट्रिक आरो हायार सेकेन्डारि जोबथा आन्जादआव सेथि थाखोआव उथ्रिनाय फरायसाफोरखौ बरायदों बालाजान तिनालि दालाइसा एबसुआ। कक्राझार जिल्लानि सिडव थानाय बालाजान तिनालि दालाइसा दुलाराय बर' फरायसा आफादनि बान्जायनायाव दिनै कक्राझार लाउरिफारा बड'लेण्ड एकाडेमी सेनियर सेकेण्डारि फरायसालिआव देगलाइन 2025 ई मायथाइनि मेट्रिक आन्जादआव बर' बिजोंजों फरायनानै उथ्रिसार जानो हानाय फरायसाफोर आरो गोजौसिन

फरायसालिनि जोबथा आन्जादआव सेथि मासि उथ्रिसारनो हानाय फरायसाफोरखौ बरायनायजों लोगोसे मान बाउदों। मख'नाय जायोदि, बालाजान तिनालि दालाइसा एबसुनि सिडव 2025 माइथायनि मेट्रिक आन्जादआव गासै सा 12 फरायसाफोरा सेथि मासि उथ्रिसारनो हादों आरो गोजौसिन फरायसालिनि जोबथा आनजादाव सेथि मासि उथ्रिसारदों गासै सा 18 फरायसाफोरा। दिनैनि बे फरायसाफोरखौ बरायनाय आरो (□ 6 बिलाइआव)

उदालगुरि, 31 मे: भारतनाडैनो दर 61 जिल्लायाव मैया शुक्रबार खालि आबाद आरो गामि जौगाखानायनि थाखाय गाइसन्नाय नाबार्डनि जिल्ला जौगाखाना सामलायगिरि (मेनाजार) एबा 'डिडिएम'नि मावखुलि बेखेवनाय जादों। लोगोसेनो उदालगुरि जिल्लायावबो नाबार्डनि जिल्ला मेनाजारनि मावखुलिखौ भार्चुयेलि बेखावना होनाय जायो। बेखौ लोब्बा लानानै उदालगुरिनि एडाम्स हलआव जर'खा बेखेवनाय हाबाफारि खुंनय जायो। हाबाफारियाव बाहागो लाफैनानै जिल्लानि गोदानै थिसनजानाय जिल्ला जौगाखाना मेनाजार मुनमी



खाउन्डआ बे गोदान मावखुलिखौ गोथारै बेखेवनायजों नाबार्डनि जिल्ला थाखोनि जौगाखाडारि खामानिफोरखौ गुवारै आरो गोखै बाहायनायाव हेफाजाब होगोन होन्ना बिबुंथि होनायजों लोगोसे बे मावखुलियाव जायगानि आफादफोरजों गोरोबलायनाय, सिगांग्रो

आजावो। हाबाफारियाव माहारियारि देहा बिथांखिनि कमिउनिटि मबिलाइजार सन्जिब कुजुर, जिल्ला मेडिया एक्सपार्ट मधुस्मिता बैश्व, डिपिसि सिरिल मुसाहारी, अनसुमा बसुमतारी, भास्कर नाग, अन्साय दैमारि, रस्मिता बरगयारी, सुमकि दैमारि, फरायसालिनि गाहाइ फोरोंगिरिजों लोगोसे माखासे (□ 6 बिलाइआव)

उदालगुरियाव मुलुगनां थांखु बेरेखा सान फालिदों

उदालगुरि, 31 मे: राइज्योनि दाब-दाब जायगाजो लोगोसे उदालगुरियावबो जिल्ला देहा आफादनि बान्जायनायाव दिनै मुलुगनां थांखु बेरेखा सान फालिनाय जादों। जिल्लानि गलमागाव गोजौ फरायसालियाव जिल्ला देहा आफादनि जुथाइ बिथोनगिरि ड॰ एन बिनय सिंहनि बाहागो लाफैनायाव खुंजानाय बे मेलआव थांखु सोबनाय एबा जानायनि जाहोनाव सोमजिनो



गोनां गुबुन-गुबुन खहा गोनां गोहोमथिफोरनि सोमोन्दै सावरायजादों। लोगोसेनो बे

हाबाफारियावनो लोब्बा लानानै माहारियारि देहा बिथांखिनि बिबानगिरिफोरा फावथिना

दिन्थिनायनि गेजेरजों फरायसाफोरनि गेजेराव सांग्रांथि सोरजिनो थाखाय थांखि

काजिरङा चेस कार्निभेलआ जागायनायनि लामायाव

गुवाहाटी, 31 मे: काजिरङा चेस कार्निभेलआ गिबि जुननिफ्राय काजिरङाआव खु'फु'जागोन। बेनि थाखाय खु'फु'ग्रा आफाद आगुन फाउन्डेसनआ आसाम चेस क्लबजों सिगांनिफ्रायनो थियारि जाबोदों। सानसेनि हाबाफारिजों खुंजानाय बे इभेन्टआव रेपिड चेस टुर्नामेन्टआव गासैं 3 लाख राडारि बान्थानि थाखाय बादायारिफोरा गावसोरनि रोंगथिखौ साबसिनै होनो नाजागोन। जायनि फारिआव देरहागिरिआ 1 लाख राडारि बान्थाजों लोगोसे स्क्लार्सिपआव 2 लाख राडारि बान्थानि हेफाजाब मोनगोन। बे टुर्नामेन्टजों लोगोसे खुंफुग्रा आफादआ गुबुन गुबुन



हाबाफारि खुंफुंनो थिरंथा लादों। जेराव इभेन्टखौ मेहेरगोनां खालामनो थाखाय चेसनि सायाव सोंगाब बादायनाय, चेसजों सोमोन्दो थानाय सावथुन आरो चेसनि सायाव मोन्दांथिनि मावबादा खु'फु'गोन। बेनि अनगायैं चेस गेलेनायजों सोलौंथायारि लामायाव मुलाम्फा

मोनायनि सायावबो नोजोर लाखिदों। बे इभेन्टआव आसामनि गुबुन गुबुन जिल्लाफोरनिफ्राय सा 150 सो गेलेगिरिफोरा बाहागो जागोन। जेराव इभेन्टनि गेजेरजों गेलेगिरिफोरा गावसोरखौ सिगांफासैं आवगायलांहोनो खाबु मोनो।□

दावहा

देहा फाहामसालियाव नुयो-
गोबां नोरजिया;
रंजाथिलियाव नुयो-
गोबा रंजासुलु;
मन्दिर मसजिदआव नुयो-
गोबां धोरोमसुला;
गेलेथिलियाव नुयो-
गोबां गेलेसुला;
दावहाथिलियाव नुयो-
गोबां दावहारु;
बिनि जाउनाव नुयो-
गोबां.....
बेनि जाहोना... नारानाथानि
गेदेर-उन्दै सान्नानै,
नङब्ला.....
इनाइ अनागिरिखौ दबथायनायनि;
गावनि राइजोखौ फेहेरनायनि,
नङब्लाबो
मुलुगाव गावखौ सिनायथि होनायनि
आरो
मुलुगाव गावनि मुं
जुगामि गालांनायनि॥
नाथाय....आंनि दावहाया
जागोन-
थार-बुजिनाय, हेफाजाब आरो
खौसेथि लाबोनाय
गोग्गोम-गेरेमसा 'बर'लेण्ड'
राइजो दानायनि ॥।

***श्री सुबास बर'**
गामि- कल'बारी
ला:सो:- बरमा
जिला- बागसा बि टि सि आसाम।*

नों बावबाय नामा?

नों बावबाय नामा
आंदि नोंखौ बेसेबांबा मोजां मोनो,
नाथाय नोंखौ मोननो थाखाय आंदि
नोंखौ सान थोवा हर थोवा गोसोखांबाइ थायो।
थायो आं सना आंनि बेसेबांदि आंनि अननाय
आरो मोजां मोन्नाइ फोरमायनो सानो,
आं सना गोर्बों बिखा बुंफबनानै आं नोंनो
आंनि अन्नायखौ आं फोरमायनो सानो,
नाथाय हाया नोंखौ लोगो हमनो,
फोरमायनो सानोदि आं नोंनो आंनि गोसो
गोर्बोंनि बाश्रा नोंनो बेखेवना होनो नाथाय
नाथाइ आंनि गोसाआल' खुद्रिदों,
नाथाय नोंजों बाश्रा फंसे राइज्लाइनो सानो,
नाथाय नोंखौ लोगो मोनब्लानो आंनि खुगाया गेवा;
आं जेबो बुजिनो हालिया
नोङे आंनि मोजां मोनाइखौ मोन्दां हाबाय बोला
फोलोमदो नों आंनि हाबिला गोसोखौ, बिनानाव
दं आंहा नॉनि थाखाय हांमा आंनि गोसो
गोर्बोंआव; होदो नों नॉनि खुगानिफ्राय फंसे
नॉनि गोदै राव ।

मुश्री फानु एल नार्जरी
काशीबारि हाइ स्कुल।
जिला- ककराइार, बि.टि.सि.

जुलिया नङा गुबुनजों

माया गोनां बे बुहुमाव
जोनोम मोनफेबाय आं मानषि महरै।
फुंबिलि बायदि लाइमोन बैसोआव
ओंखार जेन्नाय सान गोर्लैं बायदि
अनजिमा गैयै सानबोलावरिजों
उसिफाबो लाइमोन बैसोआ।
जीउनि बैथा गैयै दिङायव
गाखोहां जानायवनो लोगो
मोनजेनदोंमोन नोंखौ आं स'ना।
नोंखौ लानानै सिमां सुजुदोंमोन
बेसेबांबा रंगिना सिमां
नाथाइ.....
नॉदि ओंखौ गारनानै थाखोमायो
सम-सम आन्दो आन्दो
जेसेबांखि नों आन्दो आन्दो थादोंमोन,
आं नोंखौ नुगासिनो दंमोन।
आंबो नॉनि आन्दोआव थानानै
सुजुदोंमोन दुखुनि खन्थाय।
ईशोरा सोरजि हरदों आंनो
मोनसेल' जीउ
नङब्ला लोगो मोन्दोंमोन
गोबां जीउनि लोगो,
नैबे जोनोमाव जुलिया नङ गुबुनजों,
मानोना नोंखौ लानानै समाय
लाबाय ईशोरनि खाथिआव।
जायनि थाखाय राहा गैला नोंखौ बावगारनो
जेसेबांखि बारहुंखा-सारअन्थाइजों
हेंथा होआ-----
आवगाय लांगोन जुलिनि गोथार फोरर्बोंआव।
नॉनि आंनि जुलिआव बारहुंखा-सारअन्थाइजों
आंनि जीउखौ फोजोब लांथों
थेवब्लाबो.....
नॉनि अनगा जुलिया नङ गुबुनजों।

मुश्री लखिकान्ट दैमारी
गामि:-हाथिधुरा
ला:सो:-खुंग्रि
जिल्ला:- सिरां, बि.टि.सि. (आसाम)

सिमांनि जोहोलाव

सोर नों जोहोलाव ?
सिमाङवल्' गेलेफैयो
आंजों आमाइ-जुमाइ।
नाथाय मोकथाङव गेलेफैया नों
आंजों आमाइ-जुमाइ।
सोर सिमांनि जोहोलाव ?
राइदावयो आंजों नों
दाव खौऔनि गारांजों
बिलिरो नों फागुननि बार जानानै।
बोदोर बावलि दाखालामसैं
नों जोहोलाव।
मोकथाङव नागिरनो नॉनि
अन्नायखौ गोर्बोंयाव बजबनो,
मोना नाइख्लेंना
एराइ लांयोसो।
आंनि बे हाबिलास मिजिंखौ
दाजंखाय नों दावखौऔनि गारांजों।
बिदाइ होदो आंखौ सिमाङवनो
ऐ जोहोलाव।

***मिस बिबारी बर'**
गामि:- बालाथङ।*

रंजालि गथ'फोरनि सौरा

थेवबो हान्थि.....

अखाफोरा हरफ्रोमबो जॉनि मुंखौ
बावलाङेब्लाबो जों बिखौ हांखायहरो
दुखुफोरा सिरियै जॉनि मोङयाव मुखा
गानो
गथ 'साफोरा सिमाङव गावखाङे - जों
मिथियै
हाथर्खिफोराबो गावसोरनि मेगनखौ
फांथेयो - जोंखौ नायहरनो।

बारहुंखायाव ममबाथिनि अरबायदि
जॉनि गोसोखौ लानानै जों हान्थिलाङे।

सिमांफोरा न' गैजायैफोरनि खुगायाव
माराम खानाय खाउरि अरनाय बायदि,
साननि जोंब्लावनाया जॉनि थाखाय नङ
नाथाय जों मुख' दानबफोरबायदि बेयावनो
मोसायो;
जॉनि लानाय हांफोरा बावनायनि अनगा
लोर्बा बिग्राखानाय।

थेवबो जों हान्थिलाङे
नाथाय थाबायनो रोडेंनि ओंथिया - जों
थैबाइ।

सानाय आलौनायफोरा जोंखौ
मानसि जानो थाखाय हांखो फोरोङे
हांखो... थैजों ओंखारनाय हांखो,
थानानै थानायनि ओंथिया उदां आर्थिजों
बायफलेनाय दिंग्रियाव गसंनाै थानाय;
जों बेखौनो सायख 'नानै थांना थानो
थाखाय थांना थायो।

आरो, बबेयावबा सिनायमोनै मानसिनि
मिनिनायजों
बोलो फोराना हान्थिनो जों अखाफोर
हाथर्खिनि बायदि सोरां मोनो।

गलाप खुंगुर बसुमतारी,
कक्राइार।

गोजा गलाब बिबार

फालगुन दाननि जावलिया बाराव।
सानस'नो हायै लाइमोन बैसोआव
गुवार गोसोनि अन्नाय लानानै
मोजां मोन्दोंमोन रजे
आं नोंखौ जेब्ला।
अब्ला, नों आंनि बायराब
देरानि लांगोनायाव बारदोंमोन
सानैसोनि गोजा गलाब बिबार।
दिनै बै गोजा गलाब बिबारा बहा ?... ?
नाथाय , नोंदि बै सिर्खिफोरनि
गेजेरावसो बारहैनानै दं।
आंनि बेसेबा गोजानावसो.
नों, मोदोम जायाख्थ',
सिर्खिफोरजों बिदै सोबजानो।
बिबिदिनो, र'जे नोंखौ आं
हास्थायदोंमोन मोकथांआव।
नाथाय नोंदि बावगारलांबाय
अब्लाबो आं नोंखौ गोर्बोंजों
मोजां मोन्दोंमोन...
जाफुं होनो थाखै.....
नाथाय सानाखैमोन नों र'जे
आंनि अन्नायखौ सैथो गोथार होन्ना।
जाउनाव जानांबाय आं दिनै
लोगो गोमाजानाय दाउसा माउरिया
बिदिब्ला र'जे बुं बै समनि
अन्नाया बेसेन गैयामोन नामा।
जानो हागौ आंदि गोरोन्थि
खालामबाय बिनि थाखाय नों
आंखौ नेवसिगारनो हागौ।
नाथाय, नोंबो इसेबां गिदिर
समाय लानायखौ गियाखैसै।
ना नों समायखौ फिसा
होन्नानै सासनबाय नामा।
ना फालगुन दाननि थिं थिं
सान्दुं दुंनायाव रानज्रिलांनो
हमबाय नामा बै गोजा
गुलाब बिबारा।

***बेनिजन बरगयारि**
जिल्ला- बङाइगाव, आसाम*

भाष्ट्रेत बर दैदेनगिरि

फैलाव ब्रह्म,तामुलपुर

1
मुंख्लंनि थैन सोलाय लाबोनाय बिटिचिनि रांखौ लुथिनानै,
खायसे बर' दैदेनगिरिफोरा दिन्थिबाय दालान न' लुनानै।
मुंख्लं नखरफोरा दाबो अनसुंथाय मोनजोबाखैसै,
बर' बिमाफोरनि मेगननि मोदैया दाबोनो रानाखैसै।
22 बोसोर बिटिचिनि खुंथाया थांबाय बर' दैदेनगिरनि
आखाइनिफ्राय बारग 'नानै।

2
हारि सिबिनायनि मुङव खायसे बर' दैदेनगिरिफोरा गोहो
बुथुमदों,
हारिखौ फोथायखेबस' खालामनानै बिसोर गोहोनि फालांगि
खालामदों।
हारिनि बिथोन लायाब्लानो मोखाफोर बायदि बिसोर हान्जा
बारबाय।
बर' हारि आरो मुंख्लंनि थांखिफोरखौ बिसोर फोलें
खालामबाय।
बिसायख 'थिनि उनावसो बिसोरनि गुबै महरखौ रायजोआ
सिनायदों।

3
बर' दैदेनगिरिफोरा सासेया सासेनि बेरेखायै सोंखारिदों,
थास' दान्नाय बायदि सासेया सासेखौ दानख्लायनो नाजादों।
बर' दैदेनगिरिफोरनियाव गादिनि निचाया नांबाय,
मोद्लुननानै बिदा फंबाय रावखौबो सिनायै दिन्थिबाय।
बिसोर गावनि आथिङव गावनो रुवा खुवै खुवै लादों।

4
आबादाव दङबर 'फोरनि रां-खाउरिनि फुंखा,
नाथाय जॉनि दैदेनगिरिफोरा नङ आबादाव रोंखा राखा।
बर' दैदेनगिरिफोरा आबादिन बेसेनखौ गोसो होयैयाव,
लाइमोनफोरा खारलांनांबाय रां नायगिरनानै चेन्नाय-बांगालराव।
दैदेनगिरि सायख 'नायाव जॉनि मानसिफोरा नङ आखा फाखा।

5
समाजखौ जोनोम होनाय जादोंमोन अ-सहायफोरनि थाखाय,
नाथाय खायसे दैदेनगिरिफोरा बेखौ बाहायबाय रां बुथुमनायनि
थाखाय।

राजखान्थिजों जाय लाइमोनफोरा जेबो सोमोन्दो गैया,
बै लाइमोनफोरा सरखारी अनसुंथाइ मोन्नायनि जेबो लामा
गैया।

समाजआ दोहोनि गोरिबनि फाराग जाबाय लेश्रा राजखान्थि
थाखाय।

6
समाजनि बिबानखौ मोनदोंमोन समाजखौ समानै सिबिनो,
नाथाय खायसेफोरा बेखौ बाहायदों गावबा गाव सुथुरनि खिथेर
होखारनो।

नख'र नख'र बयहाबो जबकार्ट,रेसन कार्ट जादोंसैं,
नाथाय भिचिङिचि सोद्रोमाजों गोरोबैफोरा रावनियाबो जायासैं।
'ए लिट्टल लार्नि इज ए डेन्जारास थिं' होन्नाया बेनो।

7
दैदेनगिरिनि थुलुंगायाव रिन्दाव सारेन्दारा हाथियार लानानै
मानसि बुथारबाय,
बर' गोरोबथानि उनाव दैदेनगिरिनि बिदा-फंबाय बयबो
अनसुंथाइ मोनजोबबाय।
नाथाय सारेन्डार रिन्दाव फंबाया दिनै जौ लोंङे'लोङे'गिदिदों,
रिन्दावनि बिसिया रानजें खुज्रें ब्लाउस जिलादों।
रिन्दावखौ दोल बोहोनानै दैदेनगिरिफोरा सिंगि मागुर जाबाय।

8
सिखाव डकाइत गुण्डा राजखान्थियाव ओंखारलाजोबबाय,
मेलेमजिबौ सोलोगोरा सानसुमैफोरा दाव फेसाफोर बायदि
सानाव गोमालाजोब्बाय।
दैदेनगिरिफोरनि सान्नायानो आइन आदालत बायदि जादों,
नेम निति धोरोम गासैंबो बिजाबावल' जायगा मोनदों।
मा बुंबावनो कलियुग होन्नाया हनै खाथियाव सफैबाय।

9
हाग्रामाखौ रां जाख्ल 'नायनि थाखाय जेलाव हरगोन होन्नानै
प्रमदआ धमखि होदों।
हाग्रामाया प्रमदखौ गिनानै बखिनायखौ दोनथ 'ना सिरि सिरि
थादों।

प्रमदनि बिटिचि सरखारा फैयै फैयै जोबनोसो सम
जाफिनबाय।
नाथाय जाख्ल 'नाय रांनि फाइलखौ प्रमदआ ताला मारिनासो
दोनबाय।
हाग्रामानि रां जाख्ल 'नायखौ ब्लेकमेइल खालामनानै प्रमद
बर 'वा बिटिचिनि गादिखौ लादों।

10
प्रमद आरो हाग्रामाया गावसोरनि इसिङरी खौरांखौ बुंफुनानै
होदो ?।
बिसोरनिफ्राय हारिनि इसिङ खौरांखौ सुथुरा मिथिनो खाबु
मोनदों।
बर 'नि लोर्बांथिखौ हारिनि सुबुनिफ्रायनो बर 'नि सुथुरा
मिथिजोबबाय।
बर 'नि लोर्बांथिखौ मिथिनाइखाय बर 'नि सुथुरा बर 'जों जुजिनो
गोर्लैं जाबाय।
बर 'नि जाम्बा बायदि दैदेनगिरिफोरनि जोहै सुथुरजों दावहा
नांनाया गोब्राब जादों।

इउएसटिएमआ केरियार प्लेसमेन्ट स्टार्स फोर्बो फालिदों

खानापारा, 31 मे : इडनिभासिटि अफ साइन्स एन्ड टेक्नलजी मेघालया (इउएसटिएम) नि ट्रेनि एन्ड प्लेसमेन्ट डिभजनआ मोजां जाफुंसारनाय मोनो हादों। जायनि थाखाय जब प्लेसमेन्टआव बावैसो सानफोरनि सिगां ग्रेंजुएट जालानायफोरनि जाफुंसारनायखो लानानै फोर्बो फालिदों। मानोना बिसोरो गोजौ थाखोनि उद्यमफोराव मोजां थाखोनि साखिफोराव जायगा लानो हादों। बे हाबाफारिआव गाहाइ आलासि महैरि चार्वस एन्ड डेभेलभमेन्ट, इन्डियान इनस्टिट्यूट अफ टेक्नलजीनि बारग' डीन बिमल कारियारजों लोगोसे इउएसटिएमनि चेन्सेलर मेहबुल हक आरो प्र: भाइच चेन्सेलर पद्मश्री सर्वेस्वर साहिरियानि अनगायै फेकाल्टिनि सोद्रोमा आरो इउएसटिएमनि स्टाफफोरा बाहागो लादों। सोलिफु बोसोराव इउएसटिएमनिफ्राय सा 2000 सो फरायसाफोरा प्रफेसनेल मुलुगआव मोजाइ आगान होनो



हादों। जेराव एक्सेन्सार, आमुल, राजस्तान ग्रामीन आजीभिका भिकाश परिषद, मेरिक' लिमिटेड आरो गुबुन गुबुन गोबां फसंथानफोराव गोजौ थाखोनि बिबानआव सायख'जानो हादों। बे हाबाफारिआ डिरेक्टर अफ ट्रेनि एन्ड प्लेसमेन्ट डिभजननि डिरेक्टर नुर आहमद आलीनि पडियामआव आगान होजेन्नायजों बरायनाय हाबाफारिजों जागायो। जेराव बेनि उननिफ्रायनो जाफुंसारनायनि बे हाबाफारिखो आवगानाय जायो। इभेन्टनि समाव चेन्सेलर मेहबुल हकआ

केरियारआव स्टेबेलिटि एबा दिदोमथिनि गोनांथिखो फोरमायनानै फरायसाफोरनि प्लेसमेन्टआव जाफुंसार जानायखो गोजोन्नाय फोरमायो। गाहाइ आलासि प्रफेसार बिमल कातियारआबो बे समाव फरायसाफोरनिफिम गाहाम हामलायथि होयो। जेराव गोजौ थाखोनि कम्पानीफोरनिफ्राय बिसोरनि बेबादि खाबु मोन्नायखो गोजोन्नाय फोरमायो। बे समाव हाबाफारिआव जाफुंसारनाय फरायसाफोरनि माननि सार्टिफिकेट होनाय जायो।

जेराव मुलुग सोलोंसालिनि दैदेनगिरि आरो जर'खा आलासिफोरा नुजाफेनाय फरायसाफोरनिफिम थुलुंगा होयो। बे समाव फरायसा जाफुंसारनायनि बे हाबाफारिआ जाफुंसरै जोबलाडो। मख'नाय जायोदि, इउएसटिएमखो 2011 आव गायसन्नाय जादों। जायनि उननिफ्राय बे फसंथानआ सा 6500 नि बांसिन फरायसाफोरिखो लानानै गोजौ सोलेंथाय फसंथान महैरि मुंदांखा जाबोदों।

हादतगिरि डनाल्ड ट्रम्पआ भारत-पाकिस्ताननि गेजेराव जानाय सिजफायारनि क्रेडिट लादों



वाशिंगटन, 31 मे : हादतगिरि डनाल्ड ट्रम्पआ गावखौनो फिन खनसेबाव भारत-पाकिस्ताननि गेजेराव सिजफायार जानायनि क्रेडिटखो होदों। आमेरिकानि हादतगिरि डनाल्ड ट्रम्पआ बुखेदि, आं भारत आरो पाकिस्तानखौ दावहा नानो होबथादों। आं सानोदि, बेयो गुन्दासा अलखदआव सोलायनो हागोमोन आरो आं भारत-पाकिस्ताननि दैदेनगिरिफोरखौ

साबायखर होनो सानो। आं जौनि सुबुंफोरखौबो साबायखर होनो सानो। जौ फालांगिनि बाश्रा सावरायो आरो जौ बुखेदि, जौ बै सुबुंफोरजों लोगोसे फालांगि खालामनो हाया, जाय गावजों गाव गुलि गावलायो आरो जानोहाथाव महैरि गुन्दासा हाथियारफोरखौ बाहायगासिनो दड। लोगोसेनो ट्रम्पआ बुखेदि, बिसोरो बै हादतफोरनि गेदेत दैदेनगिरि आरो बिसोरो बुजिदों, बिसोरनि गनायथिदों

सिक्किम पुलिसआ माखासे सहस्टफोराव सिग्रोमदों



गुवाहाटी, 31 मे : मोनसे गुदि बिथानि सायाव नायबिजिरानै सिक्किमखौ नोजेर लाखिग्रा पुलिस (एसभिपि) आ सा सिक्किमआव तेजा स्टेज III हाइड्र-इलेक्ट्रिक प्रजेक्टनि जौगाखानायजों लोमोन्दो गोनां गोब्राब गेना-खान्थिखो नायबिजिरनो थाखाय भारतनि माखासे शहरफोराव नागिरनाय हाबाफारि जागायो। बिबानगिरिफोरा थानाय शुक्रबारखालि खौरां होयोदि, गेना-खान्थि होबथाग्रा ब्रान्जआ दिल्ली, हाइद्राबाद, बिशाखापत्तनाम, सिलिगुरी आरो गेटकआव सिग्रोमो। बे नायबिजिरनाया खालामथाव गेना-खान्थिनि सायाव बिथा खालामनाय, जाय चंथाडव 1200-मेगावाट्टीस्ता स्टेज III बिथांखिफोरखौ बानायनायनि सिगां समाव जायो। एसभिपि टिमफोरा हाइडेल पावार प्रजेक्टजों लोब्बा गोनां सुलुंफोरनि मावख' आरो

न'फोराव सिग्रोमो। सिग्रोमनाय समाव बिबानगिरिफोरा थामथि रांखान्थियारि गेना-खान्थिनि फोरमान होन्ना मिथिजानाय गोबां अन्जिमानि दायनिगिरि फोरमानफोर आरो डिजिटेल फाइलफोरखौ जब्द' खालामो। नायबिजिरिगरिफोरा आर्थिखालाव बेखौ नायबिजिरोदि, मा सोरबा बिबानगिरिआ आइन बेरेखायै रांखान्थि आरो आइन बेरेखा

सम्पति मोन्दों ना धोननि फुंखाखौ दोनखोमानो थाखाय हाबाफारिफोराव लोब्बा लाखिदों नामा। बिबानगिरिफोरा फोरमायनाय बायदिब्ला, आर्थिखालाव नायबिजिरनाया सोलिगासिनो दड आरो नोजेर लाखिनाय बिथांखिजों सोमोन्दो गोनां जायखि जाया सिखोमानाय एबा मानि लन्ड्रिं केसखौ सोराडव लाबोनायनि सायाव जागोन।

भारतआ तुर्किनि रैखाथि बिथिडव आगान होनाय सिमांखौ सिफायदों



गोदान दिल्ली, 31 मे : भारत-पाकिस्ताननि गेजेराव जानाय दावहायाव माखासे हादतफोरा सिरियै पाकिस्तानखौ मदत खालामगासिनो दडमोन। जायफोरनि गेजेराव दरसे हादतया तुर्किआबो, जायखौ मोनसे समाव भारतआ गोबां मदत खालामदोंमोन। तुर्किआ पाकिस्ताननो गावनि बयनिखुइ गिखंथाव बायारकटार टिबि 2 इनखौ भारतनि हेंथायै दावहायाव हरदोंमोन। नाथाय तुर्किनि बे इनखौ भारतआरि रैखाथि नेम-खान्थिया सिलिंखार खालामो। मिडिया रिपोर्टनि बायदिब्ला, तुर्किनि बायारकटार टिबि 2 इनआ भारतजों लोगोसे दावहायाव फेलें जानायनि उनाव बिसोरनि फसंथानआ बाग्दावखानाडो आरो बेनि उनाव तुर्किनि रैखाथि ओन्सोलाव आगान होनाय सिमांखौ बायनाय नुनो मोनो। अदेबानि आर्थिखालाव तुर्किआ रैखाथि बिथिडव गोबां जेनाजों मोगा-मोगि जानांगसिनो दड आरो माखासे कम्पानीफोरा डिब्बाया बन्द' जानायनि लामायाव दड। तुर्किनि बायारकटार टिबि 2 इनआ इडके ननिफ्राय लानानै लिबियासिमनि दावहाफोराव हाथियार बाहायनो थुलुंगा होयो।

दै बाना, हा गिसिखानाया अरुनाचल प्रदेशखौ गोहोम खोख्लैदों


इटानगर, 31 मे : अरुनाचल प्रदेशआ आर्थिखालाव मोनसे गोब्राब मौसुमि बोथोरनि अलखदजों भुगिनांगसिनो दड। मानोना माखासे सान सिगां हानाय थाद'नाय गैयै अखाआ माखासे जिल्लाफोराव गुवारे दै बाना आरो हा गिसिखानायखौ जोनोम होयो। बेनि जाहोनाव कुंरकुमे, सान्जा कामें, सियां, शी यमि, क्रा दादी, लवार सुबनसिरि, आपार सुबनसिरि, नमसाइ आरो लहितजों लोगोसे माखासे ओन्सोलफोराव रेड एलार्ट फोसावदों। गुदि बिथानि गोबां खहा जासेयावबो दासिमआव रावनिबो जिउ खहा जानायनि खौरां मोन्नाय



जायाखै। बयनिखुइ बांसिनै गोहोम गोगलैनाय ओन्सोलफोराव चित्रकारि जिर' हायेनआ दंफायो, जाय आर्थिखालाव दै बानानि दैयाव गबनानै दड। बेयावनि आबादरि ेन्सोल आरो मायनि फसलफोराव गोबां खहाजों मोगा-मोगि खालामगासिनो

दड। मानोना दैमा आरो नालाफोरा बाग्लायनानै बोहैयो। सिगिनि दैमानि बांसिन बोहैनाया जर'खायै दापरिजआव गोहोम गोर्लेयो, जेराव 80 निखुइ बांसिन नख'रफोरा दै बानायाव गोदोयो आरो मख'जाथाव लामाफोरा आरो राइज्योयारि सुबिदाफोरा दैजों लोमसावो। रागा आरो दायरिजनि गेजेराव लेन्डस्लाइडजों भुगिनांनाय एनएडस-13 आबो गोहोम गोगलैयो, जायजों काने किट'भटिआव हेंथा सोमजियो। इटानगर आरो नाहरलगुननि जुडवा राजथावनिनि सहस्टफोराव दै बानानि दैया लामा आरो गाहाय ओन्सोलफोरखौ लोमसावो, जायजों सानफ्रोमबोनि जिउ खानायाव जेना सोमजियो। जायगानि सुबुंफोरा सहारि जौगाखां, जर'खायै गोदानै बानायनाय ट्रान्स-अरुनाचल हाइवेखौ अलखदखौ बांहोनो थाखाय दाय हमो।

करनानि केसआ गोख्रैयै बांगासिनो दं



गोदान दिल्ली, 31 मे : भारतआव फिन खेबसेबाव करनाया आगान होफेदों आरो आर्थिखालाव करनानि केसफोरा लान्थियै बांगासिनो दं। चीन, सिंगापुर आरो हंक बायदि हादतफोराव केस बांनयनि गेजेरजों भारतआवबो सुबुंफोरनि गेजेराव कभि-19 खौ लानानै गिनाय थासारि सोमजिहोदों। दासान्दि करनानि मोनब्रै भेरिएन्टआ एक्टिभै दं। हादतआव करनानि गासै एक्टिभ केसआ 2710 दं। थानाय 24 घन्टयाव गोदानै सा 551 गोदान केस नुजाथिदों। बेजों लोगोसेनो सा 255 सुबुंफोरा करनानिफ्राय गाहामबो जायो। करनाजों दासिमाव सा 7 सुबुंफोरनि जिउ गोमाबाय। जानुवारीनिफ्राय लानानै दासिमाव करनाखौ फेजेन्नानै सा 1710 सुबुंफोरा गाहामबो जायो। बेराफारसे गासै

सा 22 सुबुंफोरनि जिउबो गोमाखांबाय। हादतनि आलादा-आलादा राइज्योफोराव करनानि इन्फेक्सनखौ नुनो मोनगासिनो दं। भारतआव केरेलानिफ्राय बयनिखुइ बांसिन केस नुजाथिखांबाय। बेयाव गासै एक्टिभ केसआ 1147। बेराफारसे महाराष्ट्रआ नैथि नाम्बाराव दं, जेराव गासै एक्टिभ केसआ सा 424। हादतनि

राजथावनि दिल्लीयाव गासै एक्टिभ केसफोरनि अन्जिमाया 2041 हादतआव लोन्थियै बांबाय थानाय करनानि केसफोरखौ लानानै मिरुयारि सावसि बिफाना गासै राइज्योफोरनो एडभाइजारि फोसावो। बेनि गेजेरजों राइज्योफोरखौ गोख्रों रहा लानो गिदिर हाबाफारिफोरखौ होबथानो आरो फेस मार्स्क बाहायनायखौ बांहोनो आर'ज गाबो। सुलुडाव फोरमायनाय बायदिब्ला, भारतआव दासिमाव बयनिखुइ बांसिन गोसारगा भेरिएन्ट जेएन.1 आ दं। करना भाइरास फैफिन्नायजों सुबुंफोरनि गेजेराव फिन खेबसेबाव जिंगाया बांदों। आर्थिखालाव बे भाइरासखौ गिनांगौ गैया होन्ना एक्सपार्टफोर बुंदों।

मिज'रामआव 7 दाननि उनाव कभिड-19 नि सानै गोदान केस नुजाथिदों

गुवाहाटी, 31 मे : मिजरामआव देहा बिबानगिरिफोरा खौरां होदोंदि, सानै सुबुंफोरनि कभिड-19 आन्जाद नायनायाव पजिटिभ फैयो, जाय 2024 नि अक्टबरनि उनाव राइज्योआव रिपर्ट खालामनाय गिबि केस। सानै बेरामिफोरखौ आर्थिखालाव आइजलनि खाथि फलकावआव थानाय जरम मेडिकल कलेज आरो देहा फाहामसालि (जेडएमएसिएस) आव फाहामथाय होगासिनो दड। राइज्योआव देखानो मोन्नाय महामारिआ 2024 नि अक्टबरआव जायो, सा 73 सुबुंफोरा भाइरासजों इन्फेक्सन जायो। गोदान केसफोरनि फिन्नायाव



राइज्योनि आइडिएसपिआ शुक्रबारखालि राइज्यो देहायारि बोसोन फोसावो। बिफानआ थागिबिफोरखौ कभिड-19 रैखाथि राहाफोरखौ फालिनो बोसोन होयो। लोगोसे सुबुंफोरखौ गावबा-गावनि आखाइफोरखौ गोम्गोयै लाखिनो थाखाय गले-गले आखाइ सुनो आरो हेन्ड सेनिटाइजर बाहायनो थाखाय थुलुंगा होगासिनो दड। बिबानगिरिफोरा सुबुंफोरखौ होंगो-दोंगो एबा राइज्योयारि ओन्सोलफोरनिफ्राय जानागरआव थानो थिन्दों।

शहबार्जनि मन्थिफोरा उतखारिफोरजों लोगोसे जौसां शेयार खालामदों

गोदान दिल्ली, 31 मे : पाकिस्तानाव उतखारिफोरनि फिसनायखौ बयबो मिर्बथिगो। नाथाय अपारेसन सिन्दुरनि समाव अलखदआव गोगलैनायनि उनावबो पाकिस्ताना फासयनानै थायाखै। पाकिस्ताननि सरकारजों लोगोसे उतखारिफोरनि सोमोन्दोआ फिन खेबसेबाव नुजाथिदों। थानाय 28 मेआव पाकिस्ताननि पान्जाबआव कसुर जिल्लायाव गुन्दासा आन्जाद नायनाय बोसोरारि फोर्बोआव मोनसे रेलि खुंदोंमोन। बेखौ योम-ए-तकबिर बुनाय जायो। बे रेलिजों लोब्बा गोनां मोनसे सावगारि नुजाथिदों, जेराव पाकिस्तान सरकारनि मन्थिखौ उतखारिफोरजों लोगोसे जौसां शेयार खालामनाय नुनो मोन्दों, जाय सावगारि आरो भिडिअया

सशेल मिडियाआव भाइरेल जागासिनो दं, जेराव पाकिस्तान सरकारनि आदार बिफाननि मन्थि मालिक रशिद अहमद खान आरो पान्जाब बिधान सभा आफादगिरि मालिक मुहम्मद अहमद खानखौ नुनो मोनगासिनो दं। बे सानै मन्थिफोरजों लोगोसे लश्कर-ए-तैयबा (लेट) नि उतखारि सेफुल्लाह कसुरी, तल्हासइ आरो आमिर हमजाखौबो नुनो मोन्दों। मख'नो गोनांदि, तल्हा सइदा लश्करनि गायसनगिरि हाफिज सइदिन फिसज्ला। बियो भारतनि हेंथायै गात्रि बोसोन होबाय थायो। बे समाव शहबाजनि मन्थिफोरा उतखारिफोरखौ बरायो आरो जयै गोरोबलायो। बे समाव मालिक रशिदआ 24 कौटि पाकिस्तानीफोरा हाफिज सइद आरो सेफुल्लाह कसुरीमोन बायदि सुबुंफोरखौ मदत खालामो।

No. CKAS(BTC)/24/2025-26/3

Dated Kokrajhar the 30th May/2025

INVITATION FOR APPLICATION

The Additional Registrar of Co-operative Societies cum C.H.D., B.T.C., Kokrajhar invites local firms and suppliers for empanelment/ registration under the Department of Co-operation, BTC for carrying out various supply works for the Department. The empanelled/ registered firm and suppliers shall be considered for work/supply requests from the Department as and when needed. However, no regular work/supply is assured.

The Registration form for applying may be obtained from the office of the undersigned during office hours. The documents/particulars, as specified in the Registration form, must be submitted to the office of the Additional Registrar of Co-operative Societies cum C.H.D., B.T.C., Kokrajhar, within 10 days i.e. 10th of June/2025 on or before 4:00 P.M.

The selected firm/suppliers will be required to submit a deposit of Rs. 2,000/- (Rupees two thousand only) in the form of a Bank Draft/Bankers Cheque/FD etc. in favour of Additional Registrar of Co-operative Societies cum C.H.D., B.T.C., Kokrajhar.

IPR(BTC)/C/2025-26/562

Sd/- Addl. Registrar of Co-operative Societies,
Cum C.H.D., B.T.C., Kokrajhar

No.GDB-269/FC-Cell/(6th ASFC)/2023-24/260

Dated Gossaigaon the 30th May/2025

NOTICE INVITING TENDER

Sealed Tender are invited in F-2 Form for the works shown below from the intending Registered Contractor of Class-I and Class-II (A, B & C) category of Assam PWD (Roads & Building) with affixing Non-refundable court fee of Rs. 8.25 (Rupees Eight and paise twenty five) only in a prescribed Form under Award of Revenue Gap Grant of 6thFC(ASFC) for the year 2022-23 during 2024-25. The Tender will be received on 30-06-2025 upto 1:00 PM in the Office of the undersigned and will be opened on same day at 1:30 PM in the Office of the undersigned and C.S. will be submitted to the Director, P&RD, BTC, Kokrajhar for approval.

Sl. No.	Name of work	Estimated amount	Bid Security	Cost of BID documents (D/D) @ 0.03% (Approx.)	Time of completion
1	Const. of RCC box culvert at Kachugaon No. 2 Santal Bosti	Rs. 6,00,000/-	Rs.6,000/- @ 1% for ST/SC/OBC & Rs.12,000/- @ 2% for General	Rs.180/-	6 (six) Months from the date of issue of work order

The Terms and Condition details may be seen at Notice Board in the Office of the Block Development Officer, Gossaigaon Development Block from 30-05-2025 to 21-06-2025 upto 1:00 PM.

Sd/-

Block Development Officer,
Gossaigaon Dev. Block, Gossaigaon

IPR(BTC)/C/2025-26/564

माहाम देहानि राहा

आमलाइआ जौनि बेगेंफोरनि थाखाय गोबां मुलाम्फा गोनां

ब्यामनि आंखाल आरो गाजि मेटाबलिजमआ देहायाव इउरिक एसिडनि जेंनायाव बिहोमा होयो। बेयो गुबैयै मोनसे गाजि दिहुन्थाय, जाय जमा जानाया बेगेंफोरखौ गोहोम खोखलै नो हागौ। बेबादि थासारियाव आमलाइ फिथाइफोरखौ जानांगौ, जाय भिटामिन-सि, साइट्रिक एसिड आरो डाइयुरेटिक गुनफोरजों बुंफबनाय। बेबादिनो मोनसे फिथाइया जाबाय इन्डियान गुसबेरी (आमलाइ)। बेजों लोगोसे, आमलाइआ जेंनाखौ बाडाय खालामनायाव मदत होनो हागौ। गोजौ इउरिक एसिडनि थाखाय आमलाइ जानायनि मुलाम्फाया जाबाय-

1. आमलाइआ प्युरिन मेटाबलिजमखौ गोखै खालामो: आमलाया प्युरिन मेटाबलिजमखौ गोखै खालामनायाव हेफाजाब होयो। बेयो गुबैयै भिटामिन-सि आरो फाइबारजों बुंफबनाय, जाय प्युरिननि हजम खालामनायखौ गोखै खालामो। बेजों लोगोसे बेयो मोनसे डाइयुरेटिक महरै खामानि मावो, जायनि ओंथिया



देहानिफ्राय प्युरिनफोरखौ फलश खालामनायाव मदत खालामो। बेबादिनो प्रटीननिफ्राय ओंखारनाय गाजि बेसाद प्युरिनखौ हजम खालामनो हायो आरो देहायाव जमा जाया।

2. अन्थाइनि थाखाय: आमलाइआ अन्थाइफोरखौ गलिनायनि थाखाय गोबां रोखोमनि मुलाम्फा गोनां। बेनि साइट्रिक एसिडआ अन्थाइफोरखौ गलिहोनो हानाय गोहो दं आरो बेफोरखौ बेगेंफोरनि गेजेराव बायफलेनायाव मदत खालामो। बेनि उनाव बेखौ हासुदैनि गेजेरजों देहानिफ्राय फैफायो, जाय अन्थाइनि जेंनाखौ बाडाय खालामनायाव हेफाजाब होयो।

3. एन्टि-इनफ्लेमेटरी

गुनफोरजों बुंफबनाय: आमलाइआ एन्टि-इनफ्लेमेटरी गुनफोरजों बुंफबनाय आरो गोजौ इउरिक एसिडनि जाहोनाव सानायखौ बाडाय खालामनायाव मदत खालामो। गुबैयै बेयो बुनायखौ बाडाय खालामनो आरो सानायखौ बाडाय खालामनो हानाय गोहो दं। बेनिखायनो बेफोर गसिबो जाहोनफोरनि थाखाय इउरिक एसिडजों सोमोन्दो थानाय जेंनाफोरनिफ्राय बारग'नो थाखाय आमलाइ जानांगौ। बेजों लोगोसे बेयो मोनसे होबथानो हानाय गोहो आरो सावस्तिनि थाखाय गोबां बिधिडव मुलाम्फा गोनां।

मुंदांखा फावखुंगुर आमिर खाननि सावथुन 'लागान' खौ अस्कार एकाडेमीआ मान होदोंमोन

आमिर खान आरो ग्रेसी सिंहनि मुंदांखा सावथुन लागानआ रिलिजनि 24 बोसोर उनावबो मुलुगनाडैनो मोजां मोनजागासिनो दं। अस्कार बान्था होग्रा एकाडेमी अफ म'शन पिक्चार आर्टस एन्ड साइन्सआ बावैसो बे सावथुनखौ बाख्यायदोंमोन। एकाडेमीया गावनि मावख'आरि इनस्टाग्राम पेजआव सावथुननि मुंदांखा मेथाइ 'राधा कैसे ना जले' नि मोनसे क्लिप फोसावदोंमोन आरो बेनि जारिमिनारि गोनांथिखौ बाख्यायदोंमोन। बे मेथाइखौ आशा भसले आरो उदित नारायणआ रोजाबदोंमोन। 2001 माइथायाव फोसाव जानाय लागानआ आशुतष गवारिकरजों दिथाहोजानाय मोनसे पीरियड स्पर्ट्स ड्रामा सावथुन। सावथुनाव ग्रेसी सिंह, सुहासिनी मुला, कुलभुषण खरबन्दा, रघुवीर यादव, राजेन्द्र गुप्ता आरो ब्रिटिश फावखुंगुर राचेल शेली आरो पल ब्लैकथर्नजों लोगोसे माखासे मोजां फावगिरिफोर दं। सल'आ 1893 माइथायाव ब्रिटिश खुंथायनि समाव मोनसे गामियाव बिथा खालामनाय,



जेराव सुबुंफोरा रानस्त्राव आरो गोबां खाजोनाजों जेंनायाव गोलेयो। आमिर खाननि आखु भुवनआ गामिनि सुबुंफोरखौ ब्रिटिश मावख'गिरिनि बेरेखायै क्रिकेट मेच गेलेनो थुलुंगा होयो जाहाथे खाजोनाखौ रेहाय होनो हायो। सावथुना गावनि सल', एप्रिल दानआव जानाय पेहेलगाम उतरखारि गालोबनायनि उनाव जावेद अख्तरआ भारत सरकारनिफ्राय पाकिस्ताननि हेंथायै गोखों एक्सन लानो दाबि देखांदोंमोन। बेनि उनाव सासे पाकिस्तानी फावखुंग्रि बुशरा आन्सारीआ

मेथाइ आरो फाव खालामनायनि थाखाय जोबोद बाख्याजदोंमोन। बेयो 74थि एकाडेमी बान्थायाव साबसिन गुबुन हादरारि रावनि सावथुननि थाखाय मुं सायख' जादोंमोन, जाय भारतारि सावथुननि थाखाय गोग्गाथावमोन। एकाडेमीनि

पस्टआ अन्सायगिरिफोरनि गेजेराव गोसोखौ सोमजिहोदोंमोन। सासे अन्सायगिरिया लिरदों, 'लागानआ आबुडै आइकनिक सल', डायल'ग, सिनेमेटग्राफि, देखो आरो सोमोनांथाव दिन्थिफुनाय।' गुबुन सासेया

बुंदोंमोन, 'मेथाइ आरो मोसानाया जोबोद मोजां।' हास्थायगिरिफोरा सावथुननि देखोखौ बाख्यायदोंमोन, गुबैयै ए.आर. रहमाननि स्कर'र आरो जावेद अख्तरनि मेथाइफोर। मोनसे बिबुंथियाव लिरनाय दंमोन, 'हिन्दु आरज गाबनाय मेथाइ, मुस्लिम महरगिरिफोरजों रोजाबनाय, लिरनाय आरो सुजुनाय। बेनो भारतनि समायना'। लागानआ खालि भारतआवल' नड, गुबुन हादरावबो दोहौ सोमजिहोदोंमोन। बियो मादार इन्डिया आरो सलाम बम्बेनि उनाव साबसिन गुबुन हादरारि रावनि सावथुननि थाखाय अस्कारनि थाखाय मुं सायख' जानाय थामथि भारतारि सावथुनमोन।

जावेद अख्तरआ पाकिस्तानी फावरखुंग्रिनि जेंना गोनां फिन्नाय होनायनि सायाव गावनि गिबि रिक्क्सन होदों

एप्रिल दानआव जानाय पेहेलगाम उतरखारि गालोबनायनि उनाव जावेद अख्तरआ भारत सरकारनिफ्राय पाकिस्ताननि हेंथायै गोखों एक्सन लानो दाबि देखांदोंमोन। बेनि उनाव सासे पाकिस्तानी फावखुंग्रि बुशरा आन्सारीआ



स्क्रिन राइटरआ बुडोदि, सासे मुंदांखा पाकिस्तानी टिभि फावगिरि बुशरा आन्सारिआ सानसेखालि खुद्रिनानै सोंथि खालामदोंमोनदि, आं मानो सिरि थाया बिथाडा बुंदोंमोनदि, 'आंहा नासिरुद्दिन शाहबादि सिरि थानांगौमोन। नाथाय बिथाड सोर आंखौ बे बायदि बिथोन होनो? आंहा मोन 25 सो जेंना थानो हागौ, नाथाय जेल्ला बाश्राया बिथानि जायो, अब्बा आं सासे भारतीय सुबुं जायो।' डावेद अख्तरआ बुशरा आन्सारिनि सायावबो फिन्नाय होदों, जेराव बिथाड बुंदोंमोनदि, राइटरआ बम्बेआव भारानि न'खौ मोनाखैमोन।

मोनसे सिरिजआ आइएमडिबिआव 9 नि बांसिन रेटिं मोन्दों

अ टि टि आ आथिखालाव सुबुंफोरनि थाखाय मोनसे पर्टेबल टि.भि.जाबाय आरो बेनि जुनियाथिया बेनोदि, जायखिजाया रोखोमनि सावथुन आरो सिरिजफोरखौ जायखिजाया समावनो बेयाव नायनो हायो। बिसोरनि गोसोनि सायाव सोनारना नायगिरिफोरा गावसोरनि मोजां मोनजानाय आयदाखौ सायख'नो हायो। आइएमडिबिआव गोबां रोखोमनि, थ्रिलर आरो कमिडि दं। नायगिरिफोरा सम सम अटिटि प्लेटफर्मफोराव रंजाथाव माबा मोनसे नागिरबाय थायो। बेबादि थासारियाव, नायगिरिफोरा मा नायनांगौ बेखौ मिबथिनो थाखाय आइएमडिबि रेटिंनि सायावबो सोनारो। बेनिखायनो प्राइम भिडिआव मोनसे नायथारनांगौ फारिनि बागै खोन्थानो होयो, जाय



रंजाथावल' नड नाथाय जोबोद थुलुंगगोनांबो आरो जुदि नोंथाड बेनि आइएमडिबि रेटिंआव गोसो होयोब्ला बेयो भारतनि गोजौसिन रेटिं मोन्नाय वेब सिरिजफोरनि गेजेराव मोनसे। बे फारिनि जुनियाथिया, जेराव मोनबा एपिसड दं, बेयो आइएमडिबिआव 10 नि

गेजेराव 9.2 रेटिं मोन्नो हादों। जेबो गिदिर सितार गैया आरो बेखौ गिदिर रांभावजायाव बानायनाय जायाखैमोन नाथाय बेनि सल' आरो फावखुंगुरफोरनि दिन्थिफुनाया औरैबादि गोहोगोरादि, जाय बे फारिखौ नायदों बियो बेखौ बाख्यायनायनि अनगा मदत खालामनो हाया। गावनि

फोथायथावै सल'बाथाजों, बेयो आइएमडिबि रेटिंनि बिधिडव मिर्जापुर आरो सेक्रेड गेम्स बायदि फारिफोरखौ बारलांबाय। जाय सिरिजनि बागै रायन्त्यागासिनो दं बेयो टिभिएफनि 'एस्पिरेंट्स', जेराव नवीन कस्तुरिया, नमिता दुबे, सनी हिन्दुजा आरो शिवांकित सिंह परिहार बायदि

फावखुंगुरफोर दं, जायफोरा गावसोरनि फाव खालामनाय जादुखौ दिन्थिफुंदों। दासिम बे वेब सिरिजनि मोनै सिजनफोरा फोसाव जाबाय आरो मोनैबो हिट जाबाय। बे सिरिजआ नायगिरिफोरनिफ्राय गोबां अन्सायनाय मोन्दों।

बिग बस 19 आव आरोबाव सासे टिभिनि फावरखुंग्रिखौ बाहागो लानो नागिरिनाय रवौरां मोन्दों

बिग बसआ मोनसे औरैबायदि कन्ट्राभासियेल रिगेलिटि टिभि स्व' जेराव फुल अन ड्रामाखौ नुनो मोनो। कन्टेस्टेन्टसफोरनि गेजेराव खुद्रिलायनायखौ नायनो नायगिरिफोरा जोबोद मोजां मोनो। मोन 18 जाफुंसारनाय सिजननि उनाव दा बिग बस 19 सिजनआ नुजाथिसिगोन। अ टि थि ख । ल । व क न्टे स्टेन्सफोरनिफ्राय सावरायनाया सोलिगासिनो दं। बिग बसनि न'आव ग्लेमार् वाल्डजों लोब्बा थानाय माखासे मुंदांखा मोखांखौ नुनो मोनो, जाय गावजों गाव सिनायलाया आरो मबाइल फन गैया लासै आरो बायजो मुलुगजों जानगार

जानानै गंसे न'आवनो जयै थायो, जायो आरो खेला गेलेयो। माखासे सुबुंफोरा गावसिनि बुंनाय बाश्राजों मुजिहोयो आरो माखासे दान्थे-बिदान्थेनि जाहोनाव लाइमलाइटआव थायो। आथिखालाव 19 थि सिजनआव सासे औरैबायदि फावरखुंग्रिनि मुड कन्टेस्टेन्स लिस्टआव सोरांआव फैदों, जाय अन-स्क्रीन गावनि बिफावजों सुबुंफोरखौ मिनिया लासै थानो हागौ खालामो। बिग बस 19 नि थाखाय सासे टिभिनि बाबलि फावरखुंग्रिखौ एप्रच खालामनाय जादों आरो बेखौ जों नड, फावरखुंग्रिया गावनो रोखा खालामदों। बे



फावगिरियायो जादों आशिकाना सिरिजनि चिक्कि शर्मा। आथिखालाव 'जादु तेरी नजर'आव नुजाथिखानाय खुसिखौ सलमान खाननि जेंना गोनां स्व'आव नुनो हागौ। बावैसो सिगां खुसि दुबैआ रोखा खालामोदि, बिथाड बिग बस 19 नि अफार मोन्दों आरो मेकासर्जों दा बाश्रा सावरायनाया सोलिगासिनो दं। नाथाय बिथाड स्व'आव बाहागो लागोन ना लाया बेयो दाबो रोखा जायाखै। इन्डियान फर्मसनो होनाय इन्टरभिउआव खुसिया खौरां गोसारनायनि सोमोन्दै बुडोदि, औ बेयो सैथो। आंखौ स्व'नि थाखाय एप्रच खालामनाय जादों। दासिबो जेबो रोखा जायाखै आरो बाश्रा सावरायनायाल' सोलिगासिनो दं। मेकासर्फोर दासिमबो बिस बस 19 खौ लानानै जेबो अफिसियेल खौरां होयाखै।

एमि बान्था देरहागिरि फावरखुंग्रि लरेटा सुइटाआ 87 बोसोर बैसोआव जिउ गोमाबाय



हलिउडनि मुंदांखा फावरखुंग्रि लरेट सुइटा, जायखौ टिभि स्व' 'मेस' आव मेजर मागरिट 'हट लिप्स' हाउलिहाननि फावनि थाखाय मिबथिनो मोन्नाय जायो, बिथाडा 87 बोसोर बैसोआव जिउ गोमाबाय। बिथानि पाब्लिकसिल्ट हार्लन बलआ मिबथि होयोदि, सुइटाआ शुक्रबासखालि निउयकं सिटिआव गावनि न'आवबो जिउ गोमादों। लरेट सुइटाआ 'मेस' आव मेजर

मागरिट हाउलिगाननि फाव खालामदोंमोन, जाय करियानि दावहायाव सासे आर्मि हस्पिटालनि हेट नार्समोन। बे स्व'आ 1972 निफ्राय 1983 सिम 11 बोसोरसिम सोलिदों आरो बेखौ आमेरिका टिभि जारिमिननि बांसिन जाफुंसार जानाय स्व' होन्ना मानिनाय जायो। बेनि फिनालेखौ 10 कौटिनिखुइ बांसिन नायगिरिफोरा नायदों, जाय दासिमबो रिकर्ड दं। सुइटाआ

बे फावनि थाखाय मोनै एमि बान्था देरहादों आरो 10 खेब नमिनेट जादों। बिथाड मोनब्रे गल्डेन ग्लोब नमिनेशनबो देरहानो हादों। लरेट सुइटनि जोनोमा 4 नभेम्बर 1937 आव निउ जारिसिनि पासेकआव बिमा-बिफा पुलिसनि न'आव जादोंमोन। बिथाड निउयकनि आमेरिकान आरो 1969 आव हलिउडआव सफैदों। बिथाड ब्राडवेआव सेम टाइम, नेकस्टइयार आरो दा सिस्ट्रि अफ एडविन ड्रडआवबो बिफाव होदों। सुइटाआ दा मपेट स्व' आरो केगनि एन्ड लेसिनि पायलट एपिसडआवबो खामानि मावदों। सुइटरजौ नुनार जौगाखां होनायनि बिथानि बिहोमा होनायनि थाखायबो मिबथिनो मोनो। सुइटाआ 1983 आव फावरखुंगुरआ डेनिस हलाहनजों जुलि जादोंमोन, जाय 1995 आव

दिभर्स जानानै गावसालायदों। बिसोरहा सासेबो गथ' गैयामोन।

दिशा पाटनीआ हलिउडआव गावनि आगान होजेन्नो थांगासिनो

बलिउडनि फावरखुंग्रि दिशा पाटनीआ आथिखालाव हलिउडआव हाबनो थियारि जाबाय। बिथाड अस्कार बान्था मोनगिरि दिथागिरि केविन स्पेसीजों दिथाहोजानाय सावथुन 'हलीगार्डस' जों हलिउडआव आगान होजेनगोन। बेअलकिक एक्शन-थ्रिलर सावथुनखौ मेक्सिक'आव सेबखानाय जादों आरो बेयाव गोबां गिदिर गेजेर हायुंआरि स्टारफोर दड। बे सावथुना केविन स्पेसीनि मावथांखि, जाय 20 बोसोरनि उनाव दिथाहोनायाव बिथानि फैफिन्नायखौ दिन्थियो, जाय नायगिरिफोरनि गेजेराव गोबां रंजाखानाय सोमजिहोदों।



हलीगार्डसआ मोनसे अलकिक एक्शन-थ्रिलर सावथुन, जाय स्टेटिगार्ड बनाम हली गार्डस मुनि फ्रेन्वाइजीनि बाहागो। बेवहाय दिशा पाटनीजों लोगोसे हलीउड स्टार ड्लफ लुन्ड्रेन (रकी IV, दा एक्सपेन्डेबल्स), टायरिस गिब्सन (फास्ट एन्ड फ्युरियास), आरो ब्रायाना हिल्डेब्रान्ड (डेडपुल, लुसिफर) दं। सावथुननि सेबखानायखौ डुरं', मेक्सिकआव खालामनाय जादोंमोन आरो बेनि ट्रेलरखौ 2025 मायथाइनि कान सावथुन फोर्बोआव दिन्थिफुनाय जादोंमोन। इन्डास्ट्रिनि मोनसे सुलुड बुंदोंमोन, 'दिशाआ जानुवारियाव सेबखानायनि थाखाय दुरंग'आव दंमोन।

बिथानि नुथाया जोबोद समायना आरो अन्सायगिरिफोरा मोनसे गिदिर सोमोनांथाव। दिशाआ 2015 माइथायाव तेलुगु सावथुन लफरजों गावनि जिउ राहायाव आगान होजेनो। 2016 मायथाइयाव, बिथाड एम.एस. धनी: दा अनटल्ड स्टरीजों बलिउडआव आगान होदोंमोन। बेनि उनाव बिथाड जेकी चैनजों कुं फु योगा (2017), बागी 2 (2018), भारत (2019), मलंग (2020), कल्कि 2898 एडि आरो कांगुवाजों लोगोसे सावथुनफोराव नुजादोंमोन। 2019 मायथाइयाव बिथाड फर्ब्स इन्डियानि सेलिब्रिटी 100 नि फारिलाइआवबो

नुजादोंमोन। दिशानि मोनसे बिटिएस (बिहाइन्ड-दा-सीन्स) सावगारिआ बावैसो भाइरं ल जादोंमोन, जाय अन्सायगिरिफोरनि गेजेराव रंजानायखौ मख'जाथाव महरै बांहोदोंमोन। बिथांखौ वेलकाम टु दा जंगल इन इन्डिया मुनि मोनसे सावथुनावबो नुनो मोनगोन, जाय 2025 मायथाइयाव रिलिज जागोन। बे सावथुना अक्षय कुमार, सन्जय दत्त आरो रवीना टन्डन बायदि स्टारफोरनि मोनसे गिदिर मावथांखि। दिशानि हलिउडआव आगान होजेन्नाया भारतारि सावथुननि थाखाय गोग्गाथाव बाश्रा।

